



ევროკავშირი
საქართველოსთვის
The European Union for Georgia



მიგრანტი

ჩანართს გამოსცემს
ახალგაზრდა მეცნიერთა
კავშირი „ინტელექტი“.

№25 / 2017

წარმატებული ბენეფიციარები

ახალგაზრდა მეცნიერთა კავშირი „ინტელექტი“ ეკოლოგიური და შრომითი მიგრანტებისთვის ახორციელებს პროექტს „მიგრანტთა მდგომარეობის გაუმჯობესება აჭარის რეგიონში“. პროექტის ერთ-ერთი მნიშვნელოვანი კომპონენტია მცირე ბიზნესის დაფინანსების საგრანტო პროგრამა. პროექტის ფარგლებში ამ ეტაპისთვის 14 ბიზნესი დაფინანსდა.

ჩანართი მომზადებულია ევროკავშირის ფინანსური მხარდაჭერით, პროექტის „მიგრანტთა მდგომარეობის გაუმჯობესება აჭარის რეგიონში“ ფარგლებში. ტექსტში მოყვანილი მოსაზრებები შეიძლება არ ემთხვეოდეს ევროკავშირის ოფიციალურ პოზიციას.

ჩანართის რედაქტორი: სალომე აბულაძე
მისამართი: ბათუმი, ფიროსმანის № 18
ტელ.: 24 16 40; ფაქსი: 24 16 50
მობ: 592 57 18 00
ელფოსტა: info@intellect.ge
ვებგვერდი: intellect.ge



„რაც მიწოდდა, ყველაფერი მივიღე“

ახალგაზრდა მეცნიერთა კავშირ „ინტელექტის“ თანამშრომლებმა პროექტის – „მიგრანტთა მდგომარეობის გაუმჯობესება აჭარის რეგიონში“ ფარგლებში ხელვაჩაურის მუნიციპალიტეტის სოფელ კაპრეშუმში მდებარე სოციალური სახლის ეზოში საინფორმაციო შეხვედრა გამართეს და იქ მცხოვრებლებს პროექტის პროგრამები გააცნეს.

შეხვედრას 24 წლის ეკომიგრანტი იმედა კორძაიაც დაესწრო. ის მცირე ბიზნესის დაწყება-განვითარების კომპონენტით დაინტერესდა, ჩაერთო პროექტში და გრანტის მისაღებად ყველა ეტაპი წარმატებით გაიარა.

„სანამ „ინტელექტის“ პროექტის ფარგლებში გრანტს მოვიპოვებდი, მანამდე, როგორც მოსწავლე, დამხმარედ ვმუშაობდი ერთ-ერთ ავტოსახელოსნოში. მცირე შემოსავალიც მქონდა, მაგრამ როცა პროექტის შესახებ გავიგე, მოვიწყობე საკუთარი

ავტოსახელოსნოს გახსნა. გამიმართლა, ჩემმა ბიზნესგეგმამ გაიმარჯვა და გრანტი მოვიპოვე.

შევიძინე ყველაფერი, რაც საჭიროა ავტოსახელოსნოსთვის. სმირია შემთხვევა, როცა მანქანის შეკეთებისას აუცილებელია წნეხით დაპრესვა. ვისაც ეს წნეხი არ აქვს, კლიენტს სხვაგან უშვებს. მე კი ეს საშუალება უკვე ადვილზე მაქვს.

კლიენტებიც საკმაოდ მყავს, ძირითადად სავალი ნაწილების შეკეთება-გარემონტებაზე ვმუშაობ. ვგეგმავ დამხმარის აყვანასაც.

თვეზე მეტია, რაც საკუთარი სახელოსნო გავხსენი და ჩემი ეკონომიკური მდგომარეობა უკვე საგრძობლად შეიცვალა – შემოსავალი გაიზარდა.

მინდა, ყველა მიგრანტს ვუთხრა, რომ არასდროს დანებდნენ და მიზანს ბოლომდე მიჰყვენენ. ამ გზით მე ყველაფერი მივიღე, რაც მიწოდდა,“ – ამბობს იმედა კორძაია.

მეფუტკრე ქალი ქობულეთიდან



„ინტელექტის“ პროექტით – „მიგრანტთა მდგომარეობის გაუმჯობესება აჭარის რეგიონში“ ქობულეთის მუნიციპალიტეტის სოფელ ზენითში მცხოვრებმა 48 წლის შრომითმა მიგრანტმა, ლიანა ირემაძემაც ისარგებლა.

ლიანა 10 წლის განმავლობაში თურქეთის რესპუბლიკაში დადიოდა სამუშაოდ, მაგრამ ოჯახისგან მოწყვეტილ შორს ცხოვრება გაუჭირდა. გადანყვიტა, საქართველოში დაბრუნებულიყო და თავისი მდგომარეობის შესაცვლელად გამოსავალი აქ მოეძებნა.

„სტამბულში სამუშაოდ იმიტომ დავდიოდი, რომ ჩემი ეკონომიკური მდგომარეობა შეცვლილიყო. შვილი არ მიჩნდებოდა, ექიმთან გამოკვლევებზე მისასვლელად და წამლების შესაძენად კი ფული არ მქონდა. ასევე, გასაყოფი ოჯახი გვექონდა და სახლის აშენებაც მინდოდა.

„ინტელექტის“ პროექტის „მიგრანტთა მდგომარეობის გაუმჯობესება აჭარის რეგიონში“ შესახებ პარტნიორი ორგანიზაციისგან – „ღირსეული სიბერე“ – გავიგე.

თავდაპირველად უფასო სწავლის კომპონენტით ვისარგებლე. საზოგადოებრივ კოლეჯ „ახალ ტალღაში“ მზარეულის კურსი გავიარე. შემდეგ ბიზნესის კომპონენტითაც დავინტერესდი. თავიდან სწრაფი კვების ობიექტის გახსნაზე ვფიქრობდი, მაგრამ რადგანაც სოფელში ფუტკრის 10 ოჯახი მყავდა, სწრაფი კვების ობიექტი კი ქალაქში იქნებოდა, ორივე საქმეს ერთად ვერ მოვახერხებდი, ამიტომ ავირჩიე მეფუტკრეობა,“ – ამბობს ლიანა.

როგორც ლიანა ამბობს, ბიზნესის წამოწყების სურვილი ყოველთვის ჰქონდა, მაგრამ ეკონომიკური მდგომარეობა არ უწყობდა ხელს. „ინტელექტმა კი შესაძლებლობა მომცა, ჩემი სურვილის განხორციელებაზე მეფიქრა.

ოპტიმისტი ვარ, ყოველთვის კარგს ვფიქრობ და როცა ბიზნესგანაცხადი შევიტანე, მჯეროდა, რომ დამაფინანსებდნენ. ჩემი მოლოდინი გამართლდა.

ფუტკრის 10 ოჯახი მყავდა, 30 დაფინანსებით შევიძინე და 20 ახალი ოჯახი მყავს ჩემი ფუტკრებისგან, გამრავლდნენ.

მომხმარებელს ვთავაზობ ნატურალურ თაფლს, სანთელს, დინდგელს, თაფლის არაყს, რომელსაც მე და ჩემი მეუღლე ვამზადებთ. ჯერჯერობით მცირე რაოდენობით. უფრო რომ გამრავლდებიან, ალბათ წარმოებასაც გავზრდით.

ჩემი ცხოვრება შეიცვალა. დღეს მენარმე ქალი მქვია, ჩემი ბიზნესი მაქვს. ყველაზე მთავარი კი ის არის, რომ აგვისტოში დედა გავხდები, შვილი უნდა ავიყვანო და ალბათ ახალწამდე სახლის მშენებლობასაც დავასრულებ და ახალ სახლში შევალ შვილთან ერთად.

ყველა მიგრანტს ვურჩევ, დაბრუნდნენ საქართველოში, „ინტელექტის“ მსგავს ორგანიზაციებს მიმართონ და დარწმუნებული ვარ, მათი ცხოვრებაც შეიცვლება, გაცილებით უკეთესი გახდება.

სამომავლოდ დიდი გეგმები მაქვს, პირველ რიგში კი, მინდა თაფლის მაღაზია გავხსნა ქობულეთში,“ – ამბობს ლიანა ირემაძე.